

GJL nr.1094//2012

REPUBLIKA E KOSOVËS / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT AGENCIA PROTIV KORUPCJE ANTI-CORRUPTION AGENCY	
Lep. Dep. Nr. i flet. Regjistranca	DPK/DMP 02
Nr. Prot. Si Prot. Prot. No	03-4152/12
Data Date	14.11.2012

GJYKATA E LARTË PËR KUNDËRVAJTJE NË PRISHTINË, në kolegjin e përbërë prej gjyqtarëve: Ragip Namani kryetar, Dalip Bega dhe ~~Ramiz Kuqi anëtarë~~, me pjesëmarrjen e sek. juridike Ganimete Dumani, duke vendosur lidhur me ankesën e parashtruar nga Agjencioni Kundër Korrupsion, kundër aktvendimit të Gjykatës komunale për kundërvajtje në Prishtinë, Regj.I.nr.14815/2012, të dt. 24.09.2012 e në bazë të neneve 31 al.3, 39 dhe 222 të Ligjit mbi kundërvajtjet, me 22.10.2012, nxjerr:

A K T V E N D I M

Ankesa e paraqitur është e **BAZUAR**.

ABROGOHET aktvendimi i Gjykatës komunale për kundërvajtje në Prishtinë, Regj.I.nr.14815/2012, i dt 24.09.2012, dhe lënda i kthehet Gjykatës së shkallës së parë në plotësim të procedurës dhe rivendosje.
Nga një kopje e këtij aktvendimi u dorëzohet palëve.

A r s y e t i m

Gjykata Komunale për Kundërvajtje në Prishtinë, me aktvendimin Regj.I.nr.14815/2012, të dt.24.09.2012 të pandehurin Naser Osmani, nga fshati Magur K.Lipjan, e ka shpallë përgjegjës sepse si Deputet i Republikës së Kosovës, nuk e ka bërë deklarinim e pasurisë pranë Agjencionit Antikorrupsion në afatin e paraparë ligjor, për vitin 2011, edhe pse ka qenë i njoftuar me kohë për këtë obligim ligjor është vonuar deri më datën 11.04.2012, kur e ka bërë deklarinim e pasurisë, me ç, veprim ka bërë kundërvajtje nga neni 5 dhe 6 para. 1 dhe 2 neni 8 para. 1.2 të sanksionuar me nenin 17 para.1.1 të Ligjit për Deklarimin, Prejardhjen, Kontrollin e Pasurisë dhe Dhuratave të Zyrtarëve të Lartë Publikë, për të cilën Kundërvajtje, i shqiptoi QORTIM.

Kundër këtij aktvendimi ankesë ka paraqitur Agjencioni Kundër Korrupsion për shkak të vendimit mbi dënim, se gjykata e shkallës së parë me aktvendimin të cilin e atakojnë me ankesë e ka shpallë të pandehurin përgjegjës për mos deklarinim të rregullt vjetor të pasurisë por e njëjta gjykata me aplikim të nenit 10 të Ligjit mbi Kundërvajtjet i shqipton qortim, se gjykata e shkallës së parë nuk ka shqiptuar dënimin e merituar ndaj të pandehurit në pajtim me Ligjin nr. 04/L-050, ku dënimin e zbut në një masë të madhe ku bie në kundërshtim me rregullat mbi zbutjen e dënimit, andaj nga të lartcekurat kërkon që aktvendimi i goditur të abrogohet dhe lënda të kthehet në rigjykim dhe të njëjti ti shqiptohet dënimi meritor sipas Ligjit.

Kolegji vlerësoi thëniet në ankesën e paraqitur, aktvendimin e goditur deklaratën e të pandehurit të dhënë në gjykatën e shkallës së parë si dhe shkresat tjera të lëndës dhe konstatoi se ankesa e paraqitur është e bazuar, kurse aktvendimi i goditur abrogohet dhe lënda i kthehet gjykatës së shkallës së parë në plotësim procedure dhe rivendosje.

Kolegji konstaton se gjykata e shkallës së parë nuk e ka vërtetuar në mënyrë të plotë dhe të drejtë gjendjen faktike. Me datë 20.09.2012, në gjykatën e shkallës së parë është marrë një pyetje i pandehuri Naser Osmani, por nga deklarata e tij e cila është kundërthënëse nuk mund të konkludohet se e ka pranuar veprën kundërvajtëse, kur ai deklaroi në fillim: “nuk është e vërtetë se unë nuk e kam paraqitur-deklaruar pasurinë për vitin 2011, nga se unë e kamë plotësuar formularin mbi ndryshimin e pasurisë... në pjesën tjetër

2.

deklaron se.... unë ditën e fundit e kam deklaruar pasurinë dhe e kam dorëzuar tek grupi parlamentar, më tutje shton se... konsideron se nuk është vonuar përveç se nëse administrata në të cilën unë e kam dorëzuar është vonuar, mirëpo nuk mund të jetë më tepër se 2 ditë dhe në fund deklaron se obligohet që t, ia sjellë gjykatës vërtetimin mbi deklarin gjegjësisht ndryshimin ku do të shihet saktësisht data e deklarimit". Kolegji vlerëson se nga kjo deklaratë e të pandehurit nuk mund të konkludohet se i njëjti e ka pranuar veprën kur thekson se e ka dorëzuar me kohë tek grupi parlamentar, e po ashtu kur thekson se " ky nuk është vonuar por vetëm se nëse administrata është vonuar". Në shkresat e lëndës ekziston vërtetimi i AKK ku shihet se më datën 11.04.2012, është pranuar në AKK diç por nuk dihet se çka nuk ka nënshkrim se kush e ka pranuar përveç vulës së AKK-së, po ashtu nuk ka nënshkrim kush çka ka dorëzuar.

Kolegji vlerëson se nëse i pandehuri e ka dorëzuar me kohë ditën e fundit tek grupi parlamentar-administrata formularin e deklarimit të pasurisë, atëherë duhet të konstatohet se kush është vonuar në këtë rast i pandehuri që deklaron se e ka dorëzuar me kohë tek grupi parlamentar apo administrata, andaj nga të lartcekurat aktvendimi si i tillë është i pa qëndrueshëm dhe për këtë u abroguua dhe lënda i kthehet gjykatës së shkallës së parë në plotësim të procedurës dhe rivendosje.

Në plotësimin e procedurës gjykata e shkallës së parë për vërtetimin e plotë të gjendjes faktike duhet të veprimi sipas vërejtjeve dhe konstatimeve të gjetura nga Kolegji dhe të ndërmer këto veprime procedurale: për të vërtetuar në mënyrë të plotë dhe të drejtë gjendjen faktike të merr në pyetje përsëri të pandehurin dhe i njëjti duhet të deklarohet në mënyrë të plotë për veprën e cila i ngarkohet dhe të sqaroi se a e ka dorëzuar me kohë formularin siç thotë ai në grupin parlamentar apo administratën e Kuvendit dhe po ashtu është e nevojshme i njëjti të deklarohet se kush e ka dorëzuar me datë 11.04.2012, formularin në AKK pasi që vërtetimi nuk ka nënshkrim as të pranuesit as të dorëzuesit, e nëse vërtetohet se i pandehuri e ka dorëzuar me kohë formularin në parlament atëherë të veprohet në baza Ligjore për këtë rast duke u vërtetuar mënyra e dorëzimit të formularit në AKK, Gjykata sipas nevojë të administroi edhe prova tjera dhe pas vërtetimit të gjendjes faktike të nxjerrë aktvendim të drejtë të bazuar në prova dhe Ligj. Nga të lartcekurat konform të nenit 222 të LMK u vendos si në dispozitiv të këtij aktvendimi.

Kundër këtij aktvendimi nuk është e lejuar ankesa.

GJYKATA E LARTË PËR KUNDËRVAJTJE NË PRISHTINË,
GJLnr.1094/2012, dt. 22.10.2012.

SEK. JURIDIKE
Ganimete Dumani



KRYETARI I KOLEGJIT

Ragip Namani

